

CAPUT SECUNDUM.
DE CONVERSIONIS CAUSIS,
Earumq; DIFFERENTIA.

Σύνοψις.

1. *Due conversionis causa.* 2. *principalis, Gratia Dei, cujus diversa notio.* 3. *Et gratuita beneficia dicuntur Gratia.* 4. *Quo sensu hęc sumatur.* 5. *quorundam Patrum sententia de universali gratia.* 6. *quid iis notet particularis gratia.* 7. *quo sensu gratia, Et quo particularis appeliatur.* 8. *Gratia incipiens, pręveniens, preparans quid.* 9. *operans gratia.* 10. *cooperans Et perficiens.* 11. *alię appellationes Gratia Scholasticorum, Papistarum, Calvinistarum.* 12. *Hę species gratię non habent se per modum habitus infusi Et permanentis.* 13. *Sunt à suã causã, Et invicem distinctę Et subordinatę.* 14. *Gratia convertens latior est gratiã justificante.* 15. *predicatio Evangelij non venit hęc sub nomine gratię.* 16. *Nec gratuita creatio, neu donorum in naturã reliquorum conservatio.* 17. *Nec Christi exemplum.* 18. *Papistarum distinctio inter gratiã excitantem Et adjuvantem expenditur.* 19. *Partitio item sufficientis Et efficacię gratię.* 20. *Calvinistarum, de hęc partitione opinio.* 21. *Efficax Gratia Augustino quid.* 22. *Quid Calvinistis.* 23. *Gratia irresistibilis quale commentum sit.*

I. *Causę Conversionem efficientes duę in scripturis traduntur, Gratia Dei, ut principalis, & Verbum Dei, ut instrumentalis. Illa, Ephes. 2. 3, 4. Deus, qui dives est misericordiã, secundum multam charitatem suam, quã dilexit nos, mortuos in peccatis convivificavit Christo. Jer. 31, 18. Hęc, 1. Petr. 1. 23. Regeniti estis per verbum Dei vivi: Distinguitur tamen illa Dei gratia, secundum diversas operationes, quas circa Conversionem exserit, in diversas species, quas alij totidem causas conversionis appellare malunt.*

Causę conversionis duę; principalis Et instrumentalis.

II. *Ac summa quidem conversionis causa est Gratia Dei, quę quantum quidem hęc facit, significat 1. Commiserationis affectum, seu gratuitum Dei favorem, & indebitam benivolentiam, quã mortis & æternę damnationis reos homines, vult ad reconciliationem admittere, & ipse medium reconciliationis ordinare, videlicet Christi meritũ & intercessionem. Quę gratia suprema, independens, & sic loquendo, impromerita, ratione objectorũ hominum universalißima est, Job. 3, 16. Rom. 5, 8. 2. Cor. 5, 18, 19. Vel significat 2. benivolentiam intuitu meriti Christi provocatam, ad hoc*

Principalis causa, Gratia, accipitur Et variis modis.

ut